

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Psalterium cum apparatu vulgari - Cod. Lichtenthal 116

[Frauenalb], [1499 Druck; Handschrift 1538]

Registrum psalterii

[urn:nbn:de:bsz:31-40375](https://nbn-resolving.org/urn:nbn:de:bsz:31-40375)

**Registrum psalterij subinserti: et ordinem
x quottum cuiusq; psalmi complectens.**

**Register insich haltend: ordnung vnd zal
nutzperkait vnd vrsach d̄ psalm iegklichen
sunderlich durch zale der pletter zū ennde
hienach gesetzt wissend gesüchen.**

Ad te domine leuani ai. 3. Psalmus. 24
Disen psalm machet dauid dem volcke zū
ainer lere wān sy wider die philisten oder
ander ire veind zugen zestreitē das sy dē
sungen vnd rüsten zū got vmb hilff xiiij

Ad te domine clamabo deus me. ps. 27
Als ioab auff der strasse amasa begegnet
nam er sein kün in die hend vñ sprach: got
grüß dich mein brüder vnd stach die weil
das schwert in in: do selbs machet dauid
disen psalm sich vor got zūentschuldigen.
Disen psalm sprich das des teufels wille
nimer an dir werd erfüllt xvi

Afferte domino filij dei: afferte d. o. ps. 28
Do dauid gewaltig ward über die gesch-
lächt israhel zoch er mit hers kraft für ihe-
rusalem: vnd als er den haiden die abge-
wan do bawet er den gezelt vnd der arch
gots ain hiltzin tempel vnd lief die mit ge-
zird vnd gefang intragen: machet er disen
psalm. Den sprich so es ze vil regnedt das
got besser wetter geb xvi

Audite hec omnes gentes: aurib. ps. 48
Als die kind chore volpracht heten ir pūß
do berüffet sy der bischoff vnd dauid also
sprechēd: gedenckt an ewern vatter chore
den vmb vngehorsam das feur gots selb
drithalbhundert verprānt: vnd dathan vñ
abiron die erd mit allem irem gesind ver-
schland: darüb sind nit geitig noch offer-
tig in dem tempel vnd dienen got: das ge-
lobten sy: do machet dauid disen psalm.
Den sprich deinē freund d̄ sein sūn kert auf
weltlich rüm dz im got geb weishait xxx

Attendite popule meus lege me. ps. 77
Disen psalm machet dauid dem volck vnd
gab den asaph dem singer das er zū allen
hochzeiten dem volck vorläse. Den psalm
sprich den den ir speis teur sey xlix

Ad dominum cum tribularer cla. ps. 119
Do dauid aufmas den tempel salomonis
do satz er in in ain höhe dz man müst auf
steigen. xv. staffel in den tempel: do macht
er iegklichem staffel ain psalm: vnd ist das
der erst psalm des erste staffels. Vnd wis
das man mit den. xv. psalm mag erwerbē
gnad den selen lxxxiij

Ad te leuani oculos meos: qui h. ps. 122
Der psalm der vierden staffel lxxxv

Audite cel i que loquar. Deutonomij. 32
Das lobgesang moyßi. Den psalm spriche
das du nit verurteilt werdest xcix

Beatus vir qui non abiit in consilio. ps. 1
Do saul die gebot gotes prach do sendet
er samuelē das er dauid zū künig weichte
do zoch der hailig gait von saul: vñnd als
mā dauid satz auf des reichs stül zū beth
lehem machet er disen psalm. am plat j

Beati quorum remisse sunt iniquit. ps. 31
Do dauid solt fechten wider goliath do de
mütiget er sich vnd bat got im helfen ge-
sigen: macht er disen psalm. Den sprich dz
dir got vergeb dein missetat xviiij

Benedicam dominuz in omni tem. ps. 33
Als dauid sein antlüz vor abimelech ver-
wandelt vnd er in lief vñ abgieng macht
er disē psalm. Den sprich auch in ere aller
hailigen xx

Beatus qui intelligit super egenuz. ps. 40
Chore vnd sein sūn warē portner des tem-
pels: vñ als die aus vnzucht die armē ver-
schmächten machet dauid disen psalm zū
ainer straffung vnd weissaget vō dem ver-
räter iuda. Den sprich den siechen xxvij

* *

Benedixisti domine terram tuam. ps. 84
Disen psalm macht dauid dē kindn choze
das sy nit solten zweiflen an dem gelubd
das in got gelobt het vō cristo. Den psalm
sprich vmb den erdwücher lxv

Bonum est confiteri domino: et psa. ps. 91
Als die hebraische sprechē so hat moyses
den psalm gemacht an dē sabbath zu gedā
chtuus der schöpfung gotes zefingen lxv

Benedic anima mea domino: et oi. ps. 102
Dauid strit in ainer gegēt mit den philistē
vnd ward müd: do kam ain ris an in des
sper wag dreyhundert halb vierdung: vii
wolt dauid haben erschlagen: do erlöset
in abysai seiner Schwester sun vii erschlug
den risen: do machet dauid disen psalm.
Den sprich zu ere allen gotes hailigen lxv

Benedic anima mea domino: do. ps. 103
Dreü iar was deürüg do ratfrager dauid
vnsern herzen: do ward im geantwurt es
wār von den gaboniten: do sendet er na
than zu in sprechend: was sol ich euch tūn
do hegertē sy nit silber noch gold sunder
die siben sūn saul zekreutzigen: die gab er
in: vnd als die verderbt wurden do kamē
wiß gute iar: vnd macht disen psalm. Den
sprich für plitzen vnd donern lxvi

Beatus vir qui timet dominum: in. ps. 111
Disen psalm macht aggeus vñ zacharias:
vnd do er sy aigenliche von dauid sprach:
do hief in hieronimus zu den andn setzen
Den psalm sollē sprechē die dē die werck
d̄ parnhertzigkeit mitgetailt werdē lxv

Beati immaculati in via: qui ambu. ps. 118
Dauid macht den psalm dē kindn israhel
wān sy gefangen würdē als es geschahe
zu babilon: das sy mit disem psalm vñ mit
disem gebet solten schreyen zu got vmb ir
erlösung: vnd ist alles nun ain psalm vntz
bis zu dem psalm. Ad dñm cū tribularer
clamau. Den psalm sprich zu ere dem hai

ligen gaist auch vnsern herzen vnd allen
gelaubigen selen lxviii

Bonitatem fecisti cum seruo tuo domine
Den psalm sprich den lerkindern lxix

Beati omnes qui timent dominum. ps. 127
Der psalm der neiindē staffel. den sol spre
chen das weib dz in d̄ kindper ligt lxxvi

Benedictus dominus deus meus. ps. 143
Dē psalm sprich vmb sig deier fraind xciiij

Benedicite oia opera dñi dño. Danielis. 3
Das lob gesang dreyer kinder. den psalm
sprich wēn du newen mon sehest c

Benedictus dñs deus israhel. Luce. i. cij

Qum inuocarem exaudiuit me deus. ps. 4
Als sich absolon bey dem har erhieng an
ainer aich vnd dauid sein vater vil vmb in
klaget machet er disen psalm. Den sprich
so du den newen mon sehest ij

Confitebor tibi dñe in toto corde m. ps. 9
Als dauid von den prophetē zu künig ge
weicht ward do tet er sein peicht mit disē
psalm vñ ermanet gott seiner gnadē. Den
sprich dz dir got genädiglich vrtale iiij

Conserva me domine quoniam spe. ps. 15
Als dauid in dem gaist erkāt das cristus
von im solt geborē werdē macht er disen
psalm weissagē in dem gaist. Den sprich
so du zu gotes tisch geest viij

Celi enarrant gloriam dei: et opera. ps. 18
Dauid erkāt im gaist wān cristus geborē
wurd von seinē geschlācht das der hailig
gaist wurd gesendet seinē iungern der sy
lernde entlich reden all zungen vnd kōm
in alle welt: machet er disen psalm. Den
sprich den zwelfspoten x

Confitebimur tibi deus confitebi. ps. 74
Asaph erkāt aus den geschriften wān das
volck gefangē wurd dz es mit fr. udē wiß
bey zorobabel erlöset wurd: macht er dē
psalm. Dē sprich ymb ai sälligs lebē xlviij

Cantate domino canticum nouum. i. ps. 95

Do dauid hierusalem het gewonnen do
bawet er ain haus von cedrin holtz vnd
satzt die arch vnser herze darein. vnd als
dz beraitwzmachet er den psalm. Die vier
psalm nach ainander sprich zu eren vnser
lieben frauen das sy dir beysee an deine
letzten zeiten lxiij

Cantate domino canticuz nouu. 2. ps. 97
Dauid sacht mit den phisten mit funf kuni
gen do halff im got das er gefiget vnd sy
verderbet: do liessen die haidē ir göter vñ
sluhen: die verprant dauid vñ macht disen
psalm. Dauid macht den psalm do er funf
kuning der philisten überwand lxiij

Confitemini domino 7 inuocate. ps. 104
Als von got oza geschlagen ward do fürt
dauid die arch zu hierusalem mit grosser
ere in das gemacht haus: do macht er dē
finger dise drey psalmen nach ainand stät
lich got loben vor der arch. Den psalm spr
ich auf gotes genaden lxxiij

Confitemini domino quoniā bo. ps. 105
Vor der arch gots psallirt dauid alleluia
Den psalm sprich zu vnser herzen zukunft
dz er dein vnkund sey an seine gericht lxxij

Confitemini domino quoniā bo. ps. 106
Dz gebet alla alla. den psalm sprech d mit
grossen leidē vnd ängstē beladē sey lxxij

Confitebor tibi domine in toto c. ps. 110
Dauid vnd mit im yef baam eleazar ioab
die vier erschlugen d philisten auff ain tag
ai gros her dān got was mit in: do macht
dauid disen psalm. Den sollen sprechē die
zu dem sacrament wöllen geen lxxiiij

Credidi propter qd locutus sum. ps. 115
Dauid macht dise psalmvñ sprach in so er
gantz angezunds opffer wolt opfferē. Dē
psalm sprich an dē grüne dornstag lxxvij

Confitemini domino quoniā bo. ps. 117
Als dauid het gesündet wiß got do sedet
er i gad den prophetē aus dē dreyē plagē

aine zuerwelē sibē hungriker iar od drey
monat in d veind achtüg od drey tag gäch
sterbens: do erwelet er den sterbend: vnd
nach d auf hörüg macht er dise psalm. Dē
sprich dz dich got vor vnsäld behüt lxxvij

Cantate domino canticum nouu. ps. 149
Den psalm sprich wēn du ain sig beheb st
oder ain glück zu steet zu lob dē heñ xcvj

Confitebor tibi domine quoni. ysaie. 12
Das lobgesang isaye. dē psalm sprich der
müter gots vmb gnad zuerbitten xcvj

Cantemus dño. Canticū moysi. Exodi. 3
Den psalm sprich den ertrunckē selē xcvij

Credo in deū. Symbolū apostolorū ciiij
Domine quid multiplicati sunt qui t. ps. 3
Do dauid flohe aus der statt vor dem an
gesicht seins suns absolon macht er disen
psalm. Den sprich ob dir yemand deingüt
mit gewalt wöll abprechen i

Domine ne in furore tuo arguas me. ps. 6
Als dauid des ersten an sein gerichtē saß
macht er disen psalm damit bat er got sei
sel an dē letzten tag nit verurteilē vō sein
gnaden. Den psalm sprich den siechen iij

Domine deus meus in te speraui sa. ps. 7
Do saul allē den seine befallhe dz sy dauid
schlugen vñ in ionathas warnet do sprach
er disen psalm got dz er in beschirmet. Dē
sprich dei fraind od ain weltlichē herzen
das in got von sein sünden beker iij

Domine dominus noster: q̄s admira. ps. 8
Disen psalm macht dauid vñ in sungē die
prophetē die dauid weichtē vñ got zu erē
Den sprich der pildnus vnser herze iij

Dixit insipiens in corde suo: nō est. ps. 13
Do dauid sahe das igemeret wurden die
asterkoser vnd falschē versager: do mucht
er disen psalm: vnd in sungē die singer: vñ
verdantē die lügner die die vnwarhait
sagten. Den psalm sprich das dein fraind
von verz gesund wider hakim öme vij

Domine quis habitabit in tabern. ps. 14
Als dauid irzüg sahe vnder dem volck dz
vil der bösen wolten besser sein dann die
güthen do machet er disen psalm zu ainem
spiegel vnd pild. Den psalm sprich wa du
seyest bey ainer kirchweihen das dir gott
genädig sey vij

Oligam te domine foritudo mea. ps. 17
Die überschrift dis psalms in dem end da
nid dem kind vnser herze der do gespro
chen hat vnserm herzen die wort des ge
fangs an dem tag an dē in got erlöset von
der hand aller seiner veind von der hand
saul. Den psalm sprich das dir gott seinen
fronleichnam zu empfangen verleihe viij

Domine in virtute tua letabitur re. ps. 20
Do dauid im gait erkant dz cristus wurd
all sein veind überwindē: vnd das im got
sein himelischer vatter wurd gebē all sein
begerüg macht er disen psalm. Den sprich
dem künig zu trost das er das reich recht
bericht xj

Deus deus meus respice in me qu. ps. 21
Als dauid forcht seins lebens vor dē kün
ig achir do machet er disen psalm vō der
marter cristi: vnn̄d bat got in durch seiner
hailigung willen zu erlösen. Den sprich vn
serm herzen zu lob seinem leiden xij

Dominus regit me ⁊ nihil mihi de. ps. 22
Do dauid wider kam von den haidē vnd
saul erschlagen ward do empfieng in sein
geschlächht die kinder iuda vnd huldigten
im vñ weichten in zu ainē künig über sy zu
ebzon zu dē andern mal. Den psalm sprich
den pūß wertigen leuten xiiij

Domini est terra et plenitudo eius. ps. 23
Do dauid wolt machen den tēpel der do
hais salomonis auf den tēnen des mans
ornā auf dē selbē tēnen erschin der engel
instoffend ain plosch schwert do er auf ge

worffen hett ain grundfeste des tempels
machet er disen psalm. Den vnser herz sp
rach do er die hell zerprach xiiij

Dominus illuminatio mea: ⁊ salus. ps. 26
Als dauid drey mal zu ainē künig gewei
cht ward: das erst zu bethleem von dem
pröphetē samuel: zum andn mal zu ebzon
vō den kindern iuda: zum dritten mal wid
zu ebzon von allen kindern israhel: macht
er disen psalm vor der weihe vnn̄d sprach
die weil in die propheten crismaten. Den
psalm sprich so dich böser ding gezem ee
dich der teufel deinem engel nem xv

Orit iniustus vt delin quat in seme. ps. 35
Als dauid sahe dz seiner veind so vil warē
in süchen zetötten vnn̄d doch vermainten
recht daran zetün macht er in zu ainē spie
gel disen psalm. Der leut vñ vihe zebewa
ren hab der sprech den psalm alltag xxi

Domine in furore tuo arguas me. ps. 37
Die weil künig dauid saul flohe do laide
er armüt vnd betrübnuß vnd machet den
psalm got vmb hilf bitend das er dise an
fechtung für sein sünd: aufnem. Den psalm
sprich so du zu der peicht kömest vnn̄d so
du durch menschlich freud vergift der pei
cht vnd pūß xxiij

Dixi custodiam vias meas: vt non. ps. 38
Yditum der singer kam in böß red von dē
volck damit flohe er ir gesellschaft: vnd als
dauid im gait sei vnschuld erkant macht er
disen psalm. Den sprich so du gots leichnā
empfahest sprich in auch dei engel xxiiij

Deus auribus nostris audiui mus: p. ps. 43
Dauid erkant im gait das durch die sünd
choze vñ seiner kinder dz israhelisch volck
wurd gefangē: do macht er den psalm in
irer figur schreiend vmb erlöfung. Das ist
der ander psalm den dauid sprach vntz in
got an seinem sun rach xxvij

Deus noster refugium ⁊ virtus: ad. ps. 45
Dauid erkant im gaitt wän das volck von
israhel vñnd hierusalem zerstöret wurde
ymb ir sünd willen gefangen das sich got
über sy wurde erparmen: machet er disen
psalm. Den sprich so dei lieber fraid über
möz far

Deus deorum dominus locutus e. ps. 49
Asaph der singer macht disen psalm dem
künig dauid zü ainer gezeugknus den kin
dern chore. Den psalm sprich zü ere der zü
kunst vnser herzen

Oixit insipiens in corde suo: nõ est. ps. 52
Als die amalechirē die statt sirelech herrē
bestritten vñd berauber: do zohz dauid in
nach vñd nam in den raub vñnd erschlug
sy: do selbs macht er disē psalm. Dē sprich
so dein veind werd gefangen

Deus in nomine tuo saluum me fa. ps. 53
Die weil dauid in d gegē ziph vor forcht
sauls lag: do santen die ziphēer zü im vñd
verzierte dauid: do vmbzohz saul die wü
stung mit grossen volck dz dauid verzagt
gedacht nit mügen entrinen: in dē kamen
borē zü saul die sprachē: es sind die haidē
im land: do müst saul abziehen: vñnd als
dauid ledig ward machet er disen psalm.
Den sprich das dich got erlöse vō des teu
fels panden

Deus repulisti nos ⁊ destruxisti nos. ps. 59
Do dauid überwand adadēser den künig
vñd soba vñd die moabiten vñd edomitē
vñd das land syria vñ erschlug in dem tal
saltz zwölftausent machet er disen psalm.
Den sol sprechē d kain trübsal hab

Deus deus meus: ad te de luce vig. ps. 62
Als dauid in die wüste pharaan flohe: do
sendet er zü ainem reichen man nabel ge
nant in ymb speis bittende: do handel er

seine knecht gar übel dz in dauid wolt er
schlagen haben: vñd do zohz im die fraw
engegen vñ pracht im wein prot vñ flaisch
vñd viel im zü füsse vñnd bat im es ab: do
macht er disen psalm. Den sprich des mor
gens so du aufsteest

Deus misereatur nostri ⁊ benedica. ps. 66
Do der teufel den künig saul besaf ward
im geratē ain der auf der harpsen psallirē
künd zeüberkömē damit er rüwiger wur
de: also ward im gesagt von dauid: vñ als
dauid in sauls haus kam machet er disen
psalm. Den sprich vmb den erdwücher

Deus in adiutorium meum intende. ps. 69
Do saul ionathan seinem iun vñnd allein
volck befalhe dauid zetören vñd in iona
thas warnet macht er disen psalm. Den sp
rich so du zü deinem werck greiffest

Deus iudicium tuum regi da: ⁊ iust. ps. 71
Als berfabee bey dauid gebar ain sun vñ
nennet in salomon: do sendet got nathan
den propheten zü im vñd sprach: nit allain
sol er haissen salomon der weis: sunder sa
lomon der lieb gotes: do macht dauid di
sen psalm. Den sprich an der hailigen drey
künig tag

Deus venerunt gentes in heredita. ps. 78
Asaph erkannt in den worten dauid das
die statt hierusalem solt erstöret werdenn
macht er den psalm. Den sprich den kind
lin das sy vns erwerben zekömen zü den
ewigen frewden

Deus stetit in synagoga deorum: in. ps. 81
Zwayung was vnder dem volck israhel
dz etlich strafen die propheten sprechend
warumb weisagent ir dem volck israhel
böse ding: gott hat gelobet iren vättern er
wöll sy ewigklich behalten: do machet er
disen psalm. Den sprich dein ächtern

Deus quis similis erit tibi: ne tace. ps. 82
Besamelt hetten sich zusamē die moabitē
die ismaheliten vnd amalechiten vnd die
von ydumea vnd vil fürstē vnd zohen wiē
dauid: do macht er disē psalm. Den sprich
deinem widerwärtigen liiij

Domine deus salutis mee: in die cl. ps. 87
Die weil dauid flohe saul vñ erlöft ward
von geth do lag er in dē hol odollā allain
do macht er disen psalm Den sprich zū ere
dem tod cristi vnd sein fünf wunden lviij

Domine refugium tu factus es no. ps. 89
Disen psalm machet dauid do sein volcke
solt streitten mit absolon: etlich vermainē
er hab in gemacht in der wüste. Dē psalm
sprich das dich got frischt lix

Dominus regnauit decorem indu. ps. 92
Als dauid regiret do samelt er alles sein
volck vnd für die arch in sein haus: vñnd
do sy kamē auf den tēnen nachoz do wā-
cket d wagen mit der arch als ob sy wolt
fallen: do strecket aus oza die hand vñnd
hielt die arch: darumb schlug in got zetod
do wolt sy dauid nit mer füren in sei haus
sunder in des priesters obededom haus:
vnd macht disen psalm. Den sprich dē hai-
ligen kreutz so du icht verleurest lxj

Deus vltionum dominus: deus vl. ps. 93
Als dauid mit hörts krafft kam für hieru-
salem do spoteten die haiden sein heraus
vnd sprachē: du kömest nit herein als die
blinden vnd die lamē: do macht er disen
psalm. Den sprich dein ächtern lxij

Dominus regnauit exultet terra: le. ps. 96
Do dauid künig ward in iudea nach dem
tode saul: do warff abner ysbosechs sun
auf zū ainem künig: die kriegten sechs iar
ymb das reich: vnd als der erschlagen vñ
dauid die reich gegebē wurde: do macht

er disen psalm. Den psalm machet dauid
als er künig ward im land iudea nach dē
tod saul lxiiij

Dominus regnauit irascantur pop. ps. 98
Disen psalm macht dauid auf den fordern
psalm vnd sy gehören zusamen lxiiij

Domine exaudi orationem meaz. ps. 101
Als dauid goliath erschlugē vñnd in die
frawen sungen das lob gefang: do ward
saul zornig: vnd am andern tag stünd saul
in seinem stül vnd dauid vor im harpfen:
do schof saul das sper nach im vnd wolt
in haben erschossen: do zohe dauid betrü-
bet von im vnd macht disen psalm lxxv

Deus laudem meam ne tacueris. ps. 108
Saul sprach ich will mein tochter dē da-
uid gebē zū vnšald dān der künig bedarff
nit morgengab seiner tochter: sunder hun-
dert beschniten von den philisten: sölich-
tet er dz dauid mit im strite vnd erschlagē
wurd: aber dauid pracht durch den streit
zwayhundert zewegē vnd pracht die saul
vnd nam sein tochter: also macht er disen
psalm. Mit dē psalm ist verflücht wordē
d teufel in die hell vñ all sei genossē lxxiiij

Dixit dominus domino meo: sed. ps. 109
Nach dē tod sauls ratfraget dauid vnsern
herzen ob er gen hierusalē solt ziehen: do
sprach got: gee auf in ebzō bis dein veind
verderben: do macht dauid disen psalm.
Den sprich vnser herrē gerechte vñ auch
zwen so hernach steent lxxiiij

Dilexi quoniam exaudiet domin. ps. 114
Amon der erst sun dauids schlieff bey tha-
mar die absolons schwester was vñ nam
ir den magtumb: darnach über zway iar
bat absolon all ir brüder zū haus vnd in
der wirtschafft schlug er amon zetod: do
klagt in dauid mit aller seiner ritterschafft

vnd machet disen psalm. Den sprich den
selen lxxvj

Defecit in salutari tuo. Den psalm sprich
ymb ain güet end züerwerben lxxvj

De profundis clamaui ad te dom. ps. 129
Der psalm der ainlfften staffel. Den psalm
sprich den selen lxxvii

Domine non est exaltatum cor m. ps. 130
Der psalm der zwelften staffel. den sprich
das dich got hoffart überheb lxxvii

Domine probasti me ⁊ cognouisti. ps. 138
Den psalm sprich der virstende christi auch
allen gelaubigen selen xc

Domine clamaui ad te exaudi m. ps. 140
Den psalm sprich das dir gott trost vnd
genad verleihe xcj

Domine exaudi orationem meaz. ps. 142
Das ist der siben exaudi ains xcij

Domine audiu auditionem t. Abacuc. 3
Das lob gesang abacuc. Den psalm sprich
den betrubten selen xcviij

Exaudi domine iusticiam meaz. in. ps. 16
Disen psalm macht dauid zü ainem gebet
vñ betet damit zü allen zeitten. Den psalm
magstu spechen in aller deiner not an sel
oder leib viiij

Exaudiat te dominus in die tribul. ps. 19
Als dauid erkät im gaist das cristus vmb
des menschen erlösung so vil leiden müst
macht er disen psalm betend vñ winschet
das got sein vater genem het seines leibs
opffer vnd sein begerung vñ vil güetlich vol
prächt. Den psalm sprich dē zwelfspoten x

Exaltabo te domine quoniam susc. ps. 29
Als dauid herschet über alles israhelisch
volck do sendet im hirā der künig vō thiro
boten ced: in holtz zimerleut vñ auch stain
metzen die bawten dauid ain haus in ihe

rusalem: vnd als das haus berait ward
machet er disen psalm. Dē sprich mit sorgē
dz dich got nimer verdāme in sei zore xviij

Exultate iusti in domino: rectos d. ps. 32
Als dauid goliath überwand vnd im mit
seinē aigē schwert sei haubt abschlug: do
trüg er es mit im zü hierusalē: do sungen
im die frawen ain lob gesang: saul schlug
tausent: dauid schlug zehē tausent: do ma
cht er disen psalm. Den sprich zü ere allen
hailigen xix

Expectans expectaui dominum: ⁊. ps. 39
Als dauid sein sun absolon geflohen het:
lag er auff ainem gebürge verborgen: do
verriet in achitofel: do sendet im cusi zwē
bottē vnd warnet in: vnd als er empfohe
machet er disen psalm. Den spriche so du
grosse angst hast xxv

Exultauit cor meum verbum bon. ps. 44
Die kinder chore wurden zweiffen an dē
gelübd gottes das er aus dauids samen
wölt ain künig erweckē: vmb das macht
dauid disen psalm weissaget vō cristo wie
er in het gesehen im gaist vnd an d gerech
tē hand fleend ain künig in guldiner wat
dē spalm sprich zü ere vnser frawē xxviij

Exaudi deus orationem meam: ⁊. ps. 54
Als dauid den künig saul flohe do schlug
er die haiden von der statt cepla vnd zohe
hinein in mainüg daz beleiben dz ward
saul inen vnd zohe für die statt: do ratfra
get dauid vnser herzē ob er beleibē sölt
oder nit: do antwurt vnser herz: sy werdē
dich in geben: do zohe er aus mit sechshū
dert mānen: vnd macht disen psalm. Den
sprich so du grosse nott leidest von deinen
obern xxxiij

Exipe me de inimicis meis deus. ps. 58

Als dauid noch bey saul was do begriffe
in der böß gaist vnd begunt in schüttele: do
hüb dauid an zeharphen dz der böß gaist
wider von im fluhe: do stach saul nach da
uid mit dē sper: do flohe er zu seinē weib:
do sendet im saul nach: do lief in sei haus
frawe durch das fenster hinden über aus
vnd macht disen psalm. Den sprich deinen
auferwelten

Exaudi deus deprecationem meā. ps. 60
Do dauid alle land vmb sich het bezwun
gen vnd saß regirēd über alles israhelisch
volck macht er disen psalm. Das ist d drit
der sibē exaudi ains

Exaudi deus orationem meam cū. ps. 63
Als dauid in zipheer auf ainem perg von
saul mit vier tausent mānen gelegert was
der selbē nacht gieng dauid selbānder in
das here vnd sand sy all schlaffen: vñ nam
zu den haubten saul sein trinckkopff vñnd
sein sper vnd gieng wider hinweg vnd do
er kam über ainen grund auf ain perg: do
sprach er: sihe saul ich hete dich wol getöt
vñ wolt nit: aber du achist mich als ai pre
men vnd hief in wider holen den kopf vñ
sper: do macht er disen psalm. Den sol der
sprechen den die leut in neid haben

Exurgat deus ⁊ dissipentur inimici. ps. 67
Do dauid in seinem reiche was sitzen mit
frid: do erkannt er im gaist das sein volck
nach seinem tod wurde gefangen als es
geschahē do man sy füret gen babilon vñ
wēn sy wider wurden erlöset vnd wider
kömen gen hierusalem: das darnach cri
stus wurd geborē: vnd do macht er disen
psalm. Den sprich zu ere sant laurentzē vñ
allen gotes martrer

Exultate deo adiutori nostro: iubi. ps. 80

Disen psalm macht dauid in ainem haus
do der mon new was raitzend das volck
von den sünden vñnd ire nachkömen vor
der gefängknus zebehüten. Den psalm spr
ich den leuten die in herfart faren sollen
das in got die sel bewaren helff

Ecce q̄ bonum ⁊ q̄ iocundum: h. ps. 132
Der psalm der vierzehenden staffel. Den
sprich wo du seyest do man ain leich be
stāt

Ecce nunc benedicite domino: o. ps. 133
Der psalm der fünfzehenden staffel. Den
spriche so du schlaffen geest das dich gott
vor allē übel an sel vnd leib behüt

Exipe me domine ab homine ma. ps. 139
Den psalm sprich zu ere allen hailigen

Exaltabo te deus meus rex: ⁊ be. ps. 144
Den psalm sprich so du prichst ain fasttag
so du vor krankhait nit fasten magst

Ego dixi in dimidio dierum. Ezechie. 98
Das lobgesang ezechie. den psalm sprich
allen selen

Exultauit cor meum. 1. Regum. 2
Fundamenta eius in montibus sa. ps. 86
Disen psalm macht dauid von der wider
stiftung der lieben statt hierusalem nach
der gefängknus babilō. Den psalm sprich
den hailigen iunckfrawen

In domino confido quomodo dic. ps. 10
Disen psalm machet dauid zu ainer erma
nung der mensche das sy gelaubtē in gott
vñ güte werck würrktē. Den psalm sprich
das dir got dein sel ernere

Iudica me domine quoniam ego. ps. 25
Disen psalm machet dauid zu ainer peicht
so oft er in den tempel gieng sprach er dē
gott vnserm herzen peichtend. Den psalm
sprich so du in die kirchen geest

In te domine speraui non confun. ps. 30
Als dauid mit künig achis zoch do samel
ten sich die philisten wider den künig saul
vñ ee nun dauid wider haim kam do hetē
im die haiden aller seiner ritter weib vnd
kind hingefüret do wolt in sein aigē volck
vor laid verderbt habē do macht er disen
psalm. Den sprich das dich got überhebe
weltlicher schanden xvij

Iudica domine nocentes me: exp. ps. 34
Do dauid künig saul flohe kam er zū dem
priester abimelech der gab im goliath sch
wert prot vnd zerung: des ward er gegen
saul verklagt vmb das lief er den priester
selb sibentzig seiner freund tötē do macht
dauid disen psalm. Den sprich des tags so
du solt fasten xx

Iudica me deus ⁊ discerne causaz. ps. 42
Als dauid bey den haiden vō saul vertri
ben was teten sy im vil laides an: do ma
cht er disen psalm got vmb hilf anruffend
Den sprich so du für den altar steest xxvij

Tubilate deo omnis terra: psalmū. ps. 65
Do saul erschlagen ward vō den philisten
do keret dauid wider von den haiden zū
dem volck israhel: do kamē die kind iuda
vnd namē in zū ainem künig: do macht er
disen psalm. Den sprich an der dreyer hai
ligen drey künig tag xl

In te dñe speraui non confundar i. ps. 70
Als dauid die warnüg von ionathas ver
nam flohe er zū samuel: do sendet im saul
knecht nach in zefahen: als die dauid fun
den do für der gaisst gots in die knecht dz
synider sielen vnd anbetetē in: do sendet
er ander vnd den dritten geschahē also: zū
letzt kam er selbs: do begraiß in der gaisst
so stercklich das er mit im den gantzē tag
betet: in d zeit empflohe dauid vnd macht
den psalm. Den sprich sündigē leutē xliij

Inclina domine aurem tuam ⁊ ex. ps. 85
Die weil dauid dē künig saul flohe do tāt
er zū ionathan vnd frage in was er wider
sein vater gesündet het dz er in wölt tötē
antwort ionathas: verbirg dich alhie ich
wills erfahren an meinē vater: vnd ich bitē
für dich: vnd sein willen zaige ich dir mit
pfeilen: sprich ich zū meinē iungē die pfeil
sind vor dir so gee hin vñ er will dich tötē
sprich ich aber sy sind hinder dir so kōme
so ist es frid: do macht dauid disen psalm
Den sprich für dein sünd lv

Tubilate domino omnis terra: ser. ps. 99
Die philisten kamen vnd legertē sich in dz
land dauid: do ratfraget dauid gott ob er
mit in solt streiten: vñ got sprach: nit zeuhe
gegen in aber vmbgib sy von hinden vnd
wān du hörst den wind geen an den spit
des birenbaums so schlahe an sy: also ter
dauid vnd schlug sy vō gabaa bis zū osar:
vñ macht disen psalm. Dauid macht disen
psalm als er die philisten schlug aus seinē
land lxiiij

In exitu israhel de egypto: dom. ps. 113
Als die arch gores vō dauid aus dē haus
obededon gefürt ward sungen die finger
disen psalm vñ ye zū sechs schriten opfertē
sy ain wider ain schaf vnd ai ochsen. Den
psalm sprich zū erē vnser herze tauf lxxv

In conuertendo dominus capti. ps. 125
Der psalm der sibenden staffel. den sprich
in eren aller gores hailigen lxxxv

Audate pueri dominum: lauda. ps. 112
Do das volck über dz rot mör kam gezo
gen do macht moyses den kindern ai lob
daraus macht dauid disen psalm. Den sp
rich zū lob vnserm herzen lxxv

Audate dominum omnes gent. ps. 116
Disen psalm macht dauid dem gemainen
volck so es opfern wolt in vor zespochen.

Den psalm sol man nach dē essen sprechē
zu lob got dem herzen lxxvij

Leuau i oculos meos in montes. ps. 120

Der andern staffel psalm. Den sprich dein
frainden lxxxiij

Letatus sum in his que dicta sunt. ps. 121

Der psalm der dritē staffel. den sprich den
die brüderschaft mit dir haben lxxxiij

Laudate nomen domini: laudat. ps. 134

Disen psalm macht dauid den vngelaubi-
gen haiden wēn sy sich bekerten vnd sich
beschneidē hießen das sy den sprächen in
dem tempel vñ würdē fürpas ir genossen.
Den psalm soltu sprechē das dir gott dein
sun behüt lxxxiij

Lauda anima mea dominum: la. ps. 145

Den psalm sprich den selen xciiij

Laudate dominum quoniam bo. ps. 146

Den psalm sprich dz dir got geb die narüg
da bey du behaltest sel vnd leib xciiij

Lauda hierusalem dominum: lauda. ps. 147

Den psalm sprich zu ere sant peter vmb ge-
nädig vrtail xcij

Laudate dominum de celis: lau. ps. 148

Den psalm sprich das du nicht verdampft
werdest xcij

Laudate dominum in sanctis ei. ps. 150

Den psalm sprich zu ere got xcvi

Magnus dominus et laudabilis ni. ps. 47

Nach der bekerung fielen die kind chore
nid für den bischoff vnd für dauid bittēd
etwas zegebē das in gott wider genädig
wurd. do macht er den psalm den sy in dē
tempel für ir sünd singē solten. Den psalm
sprich so du dein peicht tuft xxx

Miserere mei deus: fm magnā mi. ps. 50

do dauid dein ritter vrie sein hauf frawē
bersabee beschließ vnd in darumb tötten
ließ: do sendet im got den propheten nathā

8 in darüber mit beyspil straffe: do macht
er disen psalm. Der ist nütz zesprechen für
sel vnd leib xxxij

Miserere mei deus quoniam conc. ps. 55

Als dauid erkannt warumb in saul wolt
töten: zohe er aus dē land vnd ward ains
haidnischē künigs diener: vñ in den weilē
machet er disen psalm. Den sprich so dich
dein nächster verdrucken wöll xxxv

Miserere mei deus miserere mei: q. ps. 56

Als dauid in die wüste engadi geflohen
was: do kam künig saul durch verrättnus
mit drey tausent mänen vñnd sücht in: do
flohe dauid in ain hol: vnd als saul dafür
zohe: gieng er hinein sein bauch zerainigē
do schnit im dauid ain stuck aus dē man-
tel vnd wolt in nit töten: vnd macht disen
psalm. Ditz ist der vierd psalm den dauid
sprach bis in got an seinem sun rach xxxv

Misericordias domini: in eternum. ps. 88

Als dauid sein sun absolon flohe do zohe
er vñ all sein ritter auf ain gebürg mit wai-
nendē augen: do begegnet im ain man o
hief semet 8 flüchet im vñ warff mit stainē
gegen im vnd den seinē: do machet er den
psalm. Den sprich über die armē das sich
got über sy erparme lvij

Misericordiam et iudicium canta. ps. 100

Als dauid saf im frid do sprach er zu na-
than: sichstu ich sitz in ainem cedrin haus:
vnd die arch gots wonet vnder den hütē:
vnd gedacht ir zemachē ain haufung: dei
gedēck sprach gott will ich dir machē ain
haus ewigklichen: do macht dauid disen
psalm. Den sprich got das er dir demütig-
kait verleihe lxiij

Mirabilia testimonia tua domine: ideo.

Den psalm sprich den kindē so sy vngesprä-
ch sind das in got sprach verleihe lxxxiij

Memento domine dauid: 2 omni. ps. 131

Der psalm d dreyzehendē staffel. dē sprich wo du seyest do mā ai leich bestāt lxxxvij

Magnificat anima mea dominū. Luce. 1
Sprich zū lob vnser frawen ciiij

Noli emulari in malignantibus: n. ps. 36

Als dauid im gaisst erkānt dz die gerechte vil künernus von den bösen leide müstē vnd doch die bösen güt glück etwā habē wurden macht er den gūten zū trost disen psalm. Den sprich den leuten die zū vrrail sollen geen xxij

Nōne deo subiecta erit anima me. ps. 61

Idithum der singer het ain böf wort vō dem volck: vnd als dauid erkannt durch die rede idithū dz er schuldig was macht er disen psalm. Der zo zngrimig sey sprich den psalm xxxviij

Notus in iudea deus: in israhel m. ps. 75

Als asaph aus der weissagūg dauids die zukunft vnser herze gelaubet: do machet er disen psalm von der vrtende dem land volck von assiria: wann die selben haiden spoteten ires gelauben. Den psalm sprich ainer sel die dir wol getrawe xlvij

Nisi quia dominus erat in nobis. ps. 123

Der psalm der fünfte staffel. den sprich dz dich der teufel nit belaidige lxxxv

Nisi dominus edificauerit domū. ps. 126

Der psalm der achtendē staffel. den sprich vmb gelück den schwägern frawē lxxxv

Punc dimittis seruum tuum dñe. Luce. 1

Canticum symeonis ciiij

Quoniam gētes plaudite manibus: ps. 46

Do die kind chore vil mit straffūg erkāntū iren yngelauben do bekerten sy sich vnd schwüren irē künig dauid vnd dē bischoff do machet dauid disen psalm in frewden des gaisstes. Den psalm sprich zū eren der

vrtende vnser herzen

xxix

Paratum cor meum deus paratū. ps. 17

Dauid sahe im gaisst von cristo ihesu vnd von der überwindung des teufels: vnd macht disen psalm von seiner hailigen vrtand. Den sprich zū ere got dē herñ lxxij

Quare fremuerunt gentes: 2 populi. ps. 2

Als dauid wider amalech vnd die haidē philisten fechten solt: macht er den psalm den sprich über die rauber oder dieb das sy got bekere j

Quid gloriaris in malicia: qui potē. ps. 51

Als dauid von den philisten gefangen vñ für künig achis gepracht ward: do verwā delt er sich als er vnstūg wār: in dem die ydumeer das saul sagte des er sich seiner verderbnus grōslich frewet: vnd als dauid wider ledig ward macht er dē psalm den sprich das dich got behüt vor weltlichen schanden xxxviij

Quam bonus israhel deus: his qui. ps. 72

Die fürsten vnd die alten batten dauid mer lobs zemachen: do sprach er im wār lobs erünen: do machet asaph der singer disen psalm. Den sprich über hūren das sy got dauon bekere xlvj

Qui regis israhel intende: qui ded. ps. 79

Beweissaget ward von den propheten dz nach dauid zeitten die sehen geschlächte israhel von dem künig almanassar gefangen wurde: do machet dauid disen psalm bittend gott vmb ir bekerung. Den psalm sprich zū lob dem hailigen gaisst liij

Quam dilecta tabernacula tua do. ps. 83

Disen psalm macht dauid dē kindn chore zū ainem lob gottes das sy gott fürchten vnd nit lebten nach den sündē ires vaters. Den psalm sprich wān kirchweihe sey vñ dein fraind lv

Qui habitat in adiutorio altissimi. ps. 90
Do d teufel von dē himel fiel vnd die beli
bē engeln got lobten: das lob tet d hailig
gaist dauid kund do macht er disen psalm
Den sprich wegfertigen leuten lx
Qui confidunt in domino sicut m. ps. 124
Der psalm der sechsten staffel. den sprich
das dich got das recht weise lxxv
Quicumq; vult saluus esse ant. ps. vltimus
Den psalm sprich dich zekreftigē in cristen
lichē glaubē d ist ain anfang alls gūts ciiij
Retribue seruo tuo: vi. Den psalm sprich
vmb gnad züerwerben lxxviij
Saluum me fac domine quoniam. ps. 11
Dauid macht disen psalm wiß die lügner
vnd versager: vnd etlich wöllen der singer
yedichē hab in gemacht sich damit gegen
dauid der verrättnus zeentschuldigē. Den
psalm sprich ob dich yemād mit vnbillich
anbesiñ das in got bekere vj
Si vere utiq; iusticiam loquimini: r. ps. 57
Die weil dauid denn künig saul flohe do
warē im all vmbfessen veind vnd verzieē
in allenthalben: in dem macht dauid den
psalm. Den sprich über hürer spotter vñnd
über lügner das sy got bekere xxxvj
Saluum me fac deus: quoniam in. ps. 68
Dauid erkānt in dem gaist das das volck
israhel wurd verkeret nach im in gar böß
volck vnd wēn cristus kām das sy mit im
gar veintlich wurden faren: do machet er
disen psalm. Dē sprich deinem fraind der
über möz far x ij
Sepe expugnauerunt me a iuuen. ps. 128
Der psalm der zehenden staffel. den sprich
wo sich ain mensch beker lxxvij
Super flumina babilonis illic sed. ps. 136
Disen psalm sungen die kinder vō israhel
bo sy erlöst wurden von der gefängknus
babilon. Den psalm sprich den leuten die

in sünden ligen lxxix
Te decet hymnus deus in syon: r ti. ps. 64
Do dauid sahe das saul von im nit wolt
lassen do sprach er: ich will ziehen vñnd die
haiden erwan kōm ich im vnder die hend
das er mich tötet: vñnd an der hinfart ma
cht er disen psalm. Dē sprich dē selē xxxix
Te deū laudam? ps. ambrosij r augustini
Das lob gesang augustini vñnd ambrosij.
Den psalm sprich ynserm herze vñnd allem
himelischen her zü eren ciiij
Verba mea auribus percipe domine. ps. 5
Do dauid dē künig saul stück aus dē man
tel schnit vñnd in got vor im behütet sprach
er disen psalm. Den sprich den selen ij
Ut quid deus repulisti in finem: ira. ps. 73
Asaph erkant als dauid geweissager het
dz sein volck wurd gefangē als geschahe
macht er den psalm dauid zü gezeugknus
Den sprich zü ere allē gots martr: rñ xlvj
Voce mea ad dominum clamaui. ps. 76
Do dauid vrie dem ritter sein weib nam
do flohe der hailig gaist von im dauid er
ran dauid des lobs: vñnd als er sölliche ge
büßt vñ gerewet het keret der hailig gaist
wider zü im: macht er disen psalm. Den sp
rich den leuten die über möz faren xlvij
Venite exultemus domino: iubile. ps. 94
Do dauid die arch gots wolt führen aus d
statt gabaa do machet er vor disen psalm
das volck damit zeleren ee sy die arch er
hüben das sy auf ir antlütz nider fielen vñ
in sungen. Den psalm sprich mit fleis wān
er ist ain anfang alles gūtes lxij
Voce mea ad dominum clamaui. ps. 141
Den psalm sprich der bildnus gots xcij
**Die endet sich das register des psalters
mit sundlicher nutzperkait der psalmē.**